

INUIT ATAQATIGIIT

Inatsisartuni



20.02.2019

UPA2019/42

Inatsisartut suleriaasianni § 33 naapertorlugu matumuuna inatsisartunut aalajangiiffigisassatut siunnersuut imaattoq saqqummiuppara:

Aalajangiiffigisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktober 2019-mi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersuut allannguissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Tunngavilersuut:

Nalunaarut uunga siunnersuummut tunngavisoq meeqqanut ulloq unnuarlu namminersortunut inissinneqartut atugarisaannut aamma ulloq unnuarlu angerlarsimaffinnut pingaaruteqartupilussuuvoq.

Siullertut mianersuutigisassarujuussuuvoq inatsisunik nalunaarutinillu allannguissat suliffeqarfiit namminersortut allalluunniit suliffeqarfiit suliamut attuumassuteqartut peqataateqqaarnagit aamma tusarniaanernut akinissaannut piffissamik naammattumik periarfisseqqaarnagit.

Inatsisartut Ombudsmandia naapertorlugu ulloq unnuarlu paaqqinnittarfinni atorfinitsitsiniarneq ajornartorujussuusoq nalunaarutigineqarpoq taamatullu sulisut nikerarnerujussuat aamma unamminartorujussuulluni.

Taamaammat sulisut aalaakkaanerusut pingiinnarnissaat isumannaarniarlugu ulloq unnuarlu paaqqinnittarfiit namminersorlutik ingerlatsisut namminerisaminnik isumaqatigiissutitigut atuutsinneqartut akisussaaffigineqartut sinaakkusiunneqarsimasut iluini isumannaatsumik aqutsilluarnikkullu pingaarnersiuisinnaassusaat innarlernagu atuutsinneqartariaqarpoq.

Tupaallannartuunngilaq ulloq unnuarlu paaqqinnittarfinniit namminersortunit Namminersorlutik Oqartussat nalunaarutaannut oqaatsit sakkortuut atorlugit assuarinnittoqarsimammat, tamannarpiaavorlu siunnersuutip uuma tunngavippiaa. Suliffeqarfiit tamarmik pisortanit ingerlanneqartut aningaasaqarnermikkut qanorlu aningaasanik atuinerikkut nalilersorneqassagaluarpata, imallu sualutsigisumik ineriartorsinnaagaluarnermikkut killilersorneqarsimagaluarpata suliffeqarfimmik ingerlatsiniarneq eqarlunnassagaluarpoq. Tamanna tunngavigigaanni suliffeqarfiit namminersortut siunissamat aningaasaliisinaanerat killeqartupilussuussaag.

Pingaartupilussuuvoq maluginiassallugu § 36-imi piumasqaataasut atuutsinneqalersut nutaat ikkunneqarsimammata ersarissunik sinaakkuserneqanngitsut. Allatut oqaatigalugu, Naalakkersuisoq

INUIT ATAQTIGIIT

Inatsisartuni



imaluunniit atorfillit arlaat qanorluunniit piunasaqaasersorsinnaangortitaanikuuvoq qanoq isumaqatigiissutit naapertorlugit aningaasat atorneqartussiat atorneqassanersut imaluunniit qanoq atorneqartariaqaraluartut. Tamanna akuerineqarsinnaangilaq allanngortittariaqarlunilu.

Taamatut isikkoqartillugu Namminersorlutik Oqartussat nalunaarutaani atuutilersinneqarsimasumi pisortat namminersortunut akulertussaataaanginnerannik tutsuiginartumik atuutsinneqarsimanera apeqqusertariaqarpoq taamatullu namminersortunut isumaqatigiissusiortarnerni tunngaviusut aallaavigalugit namminerisaminnik aningaasatigut sinaakkutaasut iluani nammineerluinnarlutik pingaarnersiusinnaassusaasa atuutsinneqartinniarneqarsimansoq apeqqusertariaqarluni.

Siunnersuutigisanni qitiusoq tassaavoq meeqqat ulloq unnuarlu paaqqinnittarfinnut angerlarsimaffeqalertinneqarsimasut sapinngisaq tamaat pitsaanerpaamik atugassinneqassut illersugaassasullu siunertarivaa.

Ulloq unnuarlu paaqqinnittarfinnik Namminersorlutik Oqartussanit imaluunniit namminersorlutik ingerlatsisuusut naligiittumik attaveqaqatigiilluarnikkut meeqqat ulloq unnuarlu paaqqinnittarfinniitinnegartut pitsaanerpaamik sullinneqarnissaat qitiutilluinnarlugu suleqatigiinnissaat isumannaarniarneqartariaqarpoq.

Siunnersuut pingaaruteqaqisoq suliareqqinnissaanut tunniuppara. Neriuppunga meerartavut pitsaasumik atugaqartinniarlugit partii, naalakkersuisuuneq inatsisartuunerluunniit apeqqutaatinnagit suleqatigiikkumaartugut. Neriuppunga paasinnittoqarumaartoq Naalakkersuisummi nalunaarusiornerne akisussaasuusutut ataqqivakka.

Uanili sammisatsinni immikkuullarissumi meerarpassuarnillu sammivissusumi Naalakkersuisut nalunaarusiannik nr. 1, 25. januaari 2019-imeersumik allannguiniarnermut tunuarsimaarniingilanga taamaaliornikkut meeqqat atugaasa illersorneqarnissaat qulakkeerneqassamat.

Naalakkersuisut Inatsisartullu pitsaasumik suleqatigiinnissaat kissaatigalugu siunnusuut una saqqummiuppara. Qujanaq.

Pisortanut aningaasatigut allaffissornikkullu kingunerisassai:

Inatsimmik piareersaaneq qaammatini pingasuni AC-mit suliareqarsinnaas-saaq, nutserinerit tusarniaanerillu ingerlinneri ilanngullugit katillugit 200.000 kr. Missaani naatsorsuutigineqartariaqarluni.

Namminersortunut aningaasaatigut allaffissornikkullu kingunerisassai:

Ulloqa unnuarlu paaqqutarinnittarfinni akissarsianut aningaasartuutaasa qaffannissaat naatsorsuutigisariaqarpoq, tamanna akissarsiat qaffanneranik tunngaveqarpoq, tassami Naalakkersui-sut suliniaqatigiiffiillu isumaqatigiissutaat akissarsianik aalajangiinnissaannik maleqqusineq uani peeriniarneqarpoq, taamatut qaffaaneq sulisunik pigiinnarneqarnissamik aningaasartuutitut isi-

INUIT ATAQATIGIIT

Inatsisartuni



gisariaqarput. Tamassumali kingunerisaanik sulisussarsiornermi sulisoqaannarniarnermilu ajornartorsiutaasut qaangerneqassapput meeqqanut inissinneqartunut iluaqutaallutik nuannaaru-taallutillu.

Innuttaasunut aningaasatigut allaffissornikkullu kingunerisassai:

Ulloqa unnuarlu paaqqutarinnittarfiit sulisullu kattuffii attorneqartut sulinermi atugassarititaasut pillugit isumaqatigiissusiortariaqassapput meeqqat inissinneqartut atugarisaannik tunngaviusumik isumaginnittunik, Inatsisartut Ombudsmandianiimmi nalunaarusiat ersersippaat meeqqanik inis-siisarnerni ajornartorsiutaasut anginerit ilagigaat sulisunik pissarsisinnaaneq sulisunillu tigummi-innarsinnaanissaq. Akissarsiatigut qaffaaneq inuiaqatigiinni inulerinermi sunniuteqarsinnaanissaa sunniuteqassasoq ilimagisariaqarpoq. Qanoq akissarsiatigut qaffaaneq angitigissanersoq maanngaanniit ersarissumik oqaatigineqarsinnaanngilaq.

Ukiakkut Inatsisartut ataatsimiinneranni 2018-imi partiit tamarmiullutik inulerisut akissarsiamik-kut qaffaavigineqarnissaat isumaqatigissutigaat.

Ilanngussaq 1

§ 36.-imi Ulloq unnuarlu paaqqinniffiit Pisortanit pigineqartut kiisalu ulloq unnuarlu paaqqinniffiit namminersortut akissarsiatigut atorfinitsitaanermilu qanoq atugassaqartitsinissaannik pinngit-saaliilluni assigiisitsiniarneq peerneqassasoq.

§ 39 imm. 2, imm. 3, imm. 4 aamma imm. 5 peerneqassasut.

§ 40. aamma § 41. Imm. 2 allanngortinneqassaaq ullumikkut Naatsorsuuserineq aningaasanillu ingerlatsineq pillugu aalajangersakkat tunngavigalugit ingerlanneqassalluni.

§ 45. Imaalissasoq: § 32 naapertorlugu meeqqanut ulloq unnuarlu paaqqinniffiup suliffeqarfittut imminut pigisutut ingerlanneqartup akuersissummi piumasaqaataasut piumassuserinngisamik ar-laleriarluni eqquutsissimanngippagit, akuersissummik atorunnaarsitsinissaq Naalakkersuisut aala-jangersinnaavaat.